


**STATUT
FONDA ZA PROFESIONALNU REHABILITACIJU I ZAPOŠLJAVANJE
OSOBA SA INVALIDITETOM**



Na osnovu odredaba Zakona o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, br. 9/10), odredaba Zakona o ustanovama (Sl.RBiH br.6/92, 8/93 i 13/94), te predhodno pribavljenom saglasnošću Vlade Federacije Bosne i Hercegovine (Odluka o davanju saglasnosti na Statut Fonda V.broj 112/2011 od 14.02. 2011.godine), Upravni odbor Fonda za profesionalnu rehabilitaciju i zapošljavanje osoba sa invaliditetom, polazeći od ovlaštenja utvrđenih u tački XI. Odluke o osnivanju Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br.48/10), na sjednici održanoj dana 16.02. 2011.godine, d o n i o je:

S T A T U T

FONDA ZA PROFESIONALNU REHABILITACIJU I ZAPOŠLJAVANJE OSOBA SA INVALIDITETOM

I OPĆE ODREDBE

Član 1.

Ovim Statutom uređuju se pitanja koja su za ovaj akt predviđena da se regulišu u skladu sa Zakonom o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, br. 9/10), pitanja utvrđena Zakonom o ustanovama (Sl.RBiH br.6/92, 8/93 i 13/94), te druga pitanja od značaja za rad Fonda za profesionalnu rehabilitaciju i zapošljavanje osoba sa invaliditetom (u daljem tekstu: **Fond**), što naročito obuhvata:

- naziv i sjedište te pravni položaj Fonda kao javne ustanove ;
- osnivač Fonda kao javne ustanove;
- obaveze Fonda prema osnivaču;
- djelatnost Fonda , te način i uslovi obavljanja te djelatnosti;
- sredstva Fonda i način raspoređivanja sredstava za rad, te ograničenja u pogledu sticanja, opterećivanja i otuđivanja nekretnina i druge imovine Fonda;
- odnos prema korisnicima usluga;
- organi i tijela Fonda, njihov djelokrug, sastav i način izbora (Upravni odbor, Nadzorni odbor i Direktor);
- vršenje stručnih i administrativnih poslova,
- finansiranje i finansijsko poslovanje Fonda,
- načinu ostvarivanja javnosti rada;
- opći akti Fonda i
- druga pitanja od značaja za rad Fonda.

Član 2.

Fond za profesionalnu rehabilitaciju i zapošljavanje osoba sa invaliditetom je osnovan Odlukom o osnivanju Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, broj 48/10).

Fond je javna ustanova koja ima svojstvo pravne osobe i upisuje se u sudski registar. Fond je pravna osoba sa pravima, obavezama i odgovornošću utvrđenim Zakonom o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, br. 9/10), Odlukom o osnivanju Fonda za profesionalnu rehabilitaciju i zapošljavanje osoba sa invaliditetom i ovim Statutom.

II NAZIV I SJEDIŠTE FONDA

Član 3.

Naziv Fonda glasi:

Fond za profesionalnu rehabilitaciju i zapošljavanje osoba sa invaliditetom

Sjedište Fonda je u Sarajevu, ulica Vilsonovo šetalište 10, Općina Novo Sarajevo.

Član 4.

Naziv Fonda mora biti istaknut na zgradi u kojoj je sjedište Fonda.

Član 5.

Fond ima pečat i štambilj.

Pečat Fonda je okruglog oblika promjera 50 mm, u kojem je latiničnim pismom upisan sljedeći tekst:

FOND ZA PROFESIONALNU REHABILITACIJU I ZAPOŠLJAVANJE OSOBA
SA INVALIDITETOM

Štambilj Fonda je pravougaonog oblika, dimenzija 60 x 30 mm u kojem je latiničnim pismom upisan sljedeći tekst:

Fond za profesionalnu rehabilitaciju i zapošljavanje osoba sa invaliditetom.

Član 6.

Broj pečata i štambilja Fonda, način njihove upotrebe, čuvanja, rukovanja i druga pitanja propisuje direktor Fonda posebnim uputstvom.

III – OSNIVAČ FONDA

Član 7.

Osnivač Fonda je:

BOSNA I HERCEGOVINA, FEDERACIJA BOSNE I HERCEGOVINE

(Parlament Federacije BiH je na sjednici Predstavničkog doma održanoj 28.07.2010.godine i sjednici Doma naroda održanoj 29.07.2010.godine, donio Odluku o osnivanju Fonda za profesionalnu rehabilitaciju i zapošljavanje osoba sa invaliditetom, br. PF01-02-920/10 od 29.07.2010.godine, koja je objavljena u „Službenim novinama Federacije BiH“ br.48/10 od 09.08.2010.godine).

IV DJELATNOST I SREDSTVA FONDA

Član 8.

Fond obavlja sljedeće poslove:

- provodi politiku razvoja i unapređivanja profesionalne rehabilitacije i zapošljavanja osoba sa invaliditetom, osim obrazovnih ustanova čija je osnovna djelatnost sticanje osnovnog i srednjeg obrazovanja;
- finansira i sufinansira profesionalnu rehabilitaciju i osposobljavanje i zapošljavanje osoba sa invaliditetom;
- finansira i sufinansira programe razvoja privrednih društava za zapošljavanje osoba sa invaliditetom i zaštitnih radionica;
- finansira i sufinansira programe za održavanje zaposlenosti osoba sa invaliditetom;
- nadzire ostvarivanje prava na novčanu nadoknadu, stimulans i korištenje drugih sredstava Fonda;
- vrši isplate novčanih nadoknada i stimulansa;
- vrši refundaciju sredstava uplaćenih doprinosa, poreza na dohodak i dijela plaća za osobe sa invaliditetom zaposlene u zaštitnim radionicama;
- provodi politiku razvoja i unapređivanja profesionalne rehabilitacije i zapošljavanja osoba sa invaliditetom;
- nadzire pravilnost obračuna novčane nadoknade i vjerodostojnost dokaza i drugih dokumenata u skladu sa Zakonom;

- ostvaruje saradnju sa međunarodnim i domaćim donatorskim, vladinim i nevladinim organizacijama u cilju razvijanja projekata i prikupljanje sredstava u svrhu provođenja aktivnosti Fonda;
- vrši i druge poslove predviđene Zakonom i važećim propisima, te aktima Fonda.

Prema klasifikaciji djelatnosti BiH („Službeni glasnik BiH br.47/10) djelatnost Fonda je obuhvaćene u šiframa djelatnosti koje glase:

88.10 Djelatnost socijalne zaštite bez smještaja za starije osobe i osobe sa invaliditetom;

88.99 Ostale djelatnosti socijalne zaštite bez smještaja, d.n.;

94.99 Djelatnosti ostalih članskih organizacija, d.n.;

Član 9.

Sredstva i prihodi Fonda osiguravaju se u skladu sa Zakonom.

Sredstva za osnivanje i početak rada Fonda čine novčana sredstva u iznosu od 450.000,00 KM (slovima: četirstotinepedesethiljada KM).

Fond ima svoj račun otvoren kod komercijalne banke u skladu sa Zakonom.

Fond donosi godišnji finansijski plan.

Godišnji finansijski plan sadrži prikaz prihoda prema njihovom izvoru i plan korištenja sredstava po namjeni.

Fond podnosi Parlamentu Federacije Bosne i Hercegovine izvještaje o izvršenju finansijskog plana.

V – ORGANI I TJELA FONDA I NJIHOV DJELOKRUG

Član 10.

Organi Fonda su:

-Upravni odbor;

-Nadzorni odbor i

-Direktor

Član 11.

Postupak imenovanja i razrješenja organa Fonda vrši se u skladu sa propisima o ustanovama, ministarskim, vladinim i drugim imenovanjima, Zakonom i Statutom Fonda.

UPRAVNI ODBOR

Član 12.

Upravni odbor Fonda broji 7 (sedam) članova od kojih su 3 (tri) člana predstavnici organizacija osoba sa invaliditetom, koje su osnivači ili vlasnici ustanova i privrednih društava za profesionalnu rehabilitaciju i zapošljavanje osoba sa invaliditetom. Upravni odbor imenuje Vlada FBiH, na osnovu javnog konkursa, u skladu sa Zakonom o ustanovama i Zakonom o vladinim, ministarskim i drugim imenovanjima. Predsjednik i članovi Upravnog odbora imenuju se na period od četiri godine. Ista osoba može se ponovo imenovati za člana Upravnog odbora za još jedan mandatni period.

Član 13.

Upravni odbor Fonda vrši sljedeće poslove:

- donosi Statut Fonda, uz prethodnu saglasnost Vlade Federacije;
- imenuje direktora Fonda, uz prethodnu saglasnost Vlade Federacije;
- donosi Poslovnik o radu Upravnog odbora;
- donosi planove i programe rada i razvoja Fonda;
- upravlja sredstvima Fonda, prati stanje uplata i odlučuje o njihovom korištenju;
- donosi godišnji finansijski plan i usvaja godišnje i periodične obračune;
- donosi opšti akt o unutrašnjoj organizaciji i sistematizaciji poslova;
- usmjerava, kontroliše i ocjenjuje rad direktora;
- rješava sva pitanja odnosa sa osnivačem;
- odlučuje o korištenju sredstava Fonda preko iznosa od 10.000,00 KM;
- odgovara osnivaču za rezultate rada Fonda;
- odlučuje o prigovoru zaposlenika na odluku kojom je direktor Fonda odlučio o pravu, obavezi ili odgovornosti zaposlenika iz radnog odnosa;
- usvaja i podnosi osnivaču godišnje izvještaje o poslovanju Fonda;
- odlučuje o nabavci i prodaji osnovnih sredstava,
- odlučuje o sticanju, opterećivanju i otuđivanju nekretnina u vlasništvu Fonda,
- osniva komisije i druga radna tijela Fonda i
- odlučuje o drugim pitanjima od značaja za rad i poslovanje Fonda.

Član 14.

Upravni odbor Fonda radi i odlučuje na sjednicama. Sjednice Upravnog odbora saziva predsjednik Upravnog odbora.

Upravni odbor može održati sjednicu kojoj prisustvuje više od polovine članova Upravnog odbora, a odlučuje većinom glasova svih članova Upravnog odbora.

Način rada Upravnog odbora bliže se uređuje Poslovníkom o radu Upravnog odbora, kojim se uređuje i način rada komisija i drugih radnih tijela koje osniva Upravni odbor.

Član 15.

Predsjednik i član Upravnog odbora može biti razrješen dužnosti i prije isteka vremena na koje je imenovan, ako :

- sam zatraži razrješenje;
- ne ispunjava dužnosti člana i ne prisustvuje na 3 (tri) ili više sjednica.

Inicijativu za razrješenje predsjednika i člana Upravnog odbora može dati Upravni odbor Fonda.

Član 16.

Predsjednik i članovi Upravnog odbora imaju pravo na mjesečnu naknadu u skladu sa Zakonom i drugim propisima kojima se uređuju naknade.

Odluku o visini naknade iz stava 1. ovog člana donosi Upravni odbor.

NADZORNI ODBOR FONDA

Član 17.

Nadzorni odbor Fonda je organ kontrole poslovanja Fonda.

Nadzorni odbor broji 5 (pet) članova.

Nadzorni odbor Fonda imenuje Vlada FBiH, na osnovu javnog konkursa, u skladu sa Zakonom o ustanovama, Zakonom o vladinim, ministarskim i drugim imenovanjima.

Član 18.

Nadzorni odbor obavlja sljedeće poslove:

- vrši kontrolu poslovanja Fonda,
- analizira izvještaje o poslovanju Fonda,
- izvještava Upravni odbor i direktora Fonda o rezultatima nadzora
- vrši nadzor nad zakonitim utroškom sredstava Fonda, u skladu sa finansijskim planom,
- donosi Poslovník o radu nadzornog odbora i
- vrši i druge poslove utvrđene Zakonom i općim aktima Fonda.

Predsjednik i članovi Nadzornog odbora imaju pravo na mjesečnu naknadu u skladu sa Zakonom i drugim propisima kojima se uređuju naknade.

Odluku o visini naknade iz stava 2. donosi Upravni odbor.

DIREKTOR FONDA

Član 19.

Direktora Fonda imenuje Upravni odbor uz prethodno pribavljenju saglasnost Vlade FBiH, na osnovu javnog konkursa objavljenog u „Službenim novinama Federacije BiH“ i sredstvima javnog informiranja.

Član 20.

Direktor Fonda imenuje se na period od 4 (četiri) godine i može još jednom uzastopno biti imenovan na tu funkciju.

Za direktora Fonda može biti imenovana osoba koja, pored općih uvjeta propisanih Zakonom o vladinim, ministarskim i drugim imenovanjima, ispunjava i sljedeće posebne uvjete:

- VSS, završen fakultet društvenog ili tehničkog smjera;
- da ima najmanje 5 (pet) godina radnog iskustva na poslovima rukovođenja;
- da ima izražene organizacijske sposobnosti i sklonost za timski rad.

Ukoliko dva ili više kandidata budu u cjelosti ispunjavali sve kriterije za izbor, prednost će se dati osobi sa invaliditetom, a sve u skladu sa Zakonom o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“ br. 9/10).

Član 21.

Ako se ne izvrši imenovanje direktora Fonda, Upravni odbor će bez konkursa imenovati vršioca dužnosti (v.d.) direktora iz reda stručnih zaposlenika zaposlenih u Fondu.

Vršilac dužnosti direktora ima sva prava i dužnosti direktora.

Vršilac dužnosti direktora može rukovoditi Fondom do imenovanja direktora, najduže šest mjeseci od dana njegovog imenovanja.

Član 22.

Direktor Fonda obavlja sljedeće poslove:

- organizuje i rukovodi radom i poslovanjem Fonda,
- predstavlja i zastupa Fond,
- utvrđuje poslovnu politiku Fonda,

- izvršava odluke Upravnog odbora,
- Upravnom odboru predlaže mjere za efikasno i zakonito obavljanje djelatnosti radi kojih je osnovan Fond,
- Odlučuje o korištenju sredstava Fonda u iznosu do 10.000,00 KM u skladu sa Pravilnikom o finansijskom poslovanju,
- predlaže unutrašnju organizaciju i sistematizaciju poslova,
- predlaže godišnji finansijski plan Fonda,
- podnosi izvještaje o izvršenju finansijskog plana Fonda,
- odgovara za zakonitost rada Fonda,
- predlaže donošenje općih akata i odluka iz nadležnosti Upravnog odbora fonda,
- donosi opšte akte propisane zakonom za čije donošenje nije nadležan Upravni odbor Fonda,
- zaključuje ugovore o radu sa zaposlenicima i odlučuje o pravima, obavezama i odgovornostima iz radnog odnosa,
- uz saglasnost Upravnog odbora, imenuje i razrješava zaposlenike Fonda koji imaju posebna ovlaštenja i odgovornosti,
- vrši i druge poslove u skladu sa Zakonom, ovim Statutom i drugim općim aktima Fonda.

Član 23.

Direktor Fonda može u skladu sa Zakonom svoja ovlaštenja prenijeti na drugu osobu pri čemu će odrediti obim, sadržaj i trajanje ovlaštenja, o čemu je dužan blagovremeno obavjestiti Upravni odbor.

Član 24.

Upravni odbor može pokrenuti inicijativu za razrješenje direktora Fonda i prije isteka vremena na koje je imenovan, ako utvrdi da je:

- odgovoran za neuspješan ili nezakonit rad Fonda,
- na lični zahtjev direktora i
- u drugim slučajevima utvrđenim Zakonom.

Prijedlog za prijevremeno razrješenje direktora iz alineje 1. stava 1. ovog člana može dati osnivač.

VI – VRŠENJE STRUČNIH I ADMINISTRATIVNIH POSLOVA

Član 25.

Stručne i administrativne poslove obavljaju zaposlenici Fonda kroz odgovarajuće organizacione jedinice koje se formiraju prema vrsti i obimu poslova iz djelokruga rada Fonda.

Unutrašnja organizacija i sistematizacija radnih mjesta utvrđuje se Pravilnikom.

VII – FINANSIRANJE I FINANSIJSKO POSLOVANJE

Član 26.

Sredstva za rad Fonda osiguravaju se u skladu sa Zakonom.

Prihodi Fonda čine:

- sredstva iz budžeta Federacije BiH,
- sredstva posebnog doprinosa,
- sredstva Federalnog zavoda za zapošljavanje u procentu utvrđenom Zakonom,
- sredstva kantonalnih službi za zapošljavanje u procentu utvrđenom Zakonom,
- neutrošena sredstva za posebne namjene utvrđena Zakonom,
- sredstva donacija domaćih i stranih pravnih i fizičkih lica, i
- drugi prihodi ostvareni na osnovu Zakona i drugih propisa.

Član 27.

Nadzor nad korištenjem sredstava Fonda vrši Federalno ministarstvo finansija u skladu sa Zakonom.

Finansijski planovi i izvještaji Fonda, dostavljaju se Federalnom ministarstvu finansija na način i u rokovima propisanim Zakonom o budžetima.

Član 28.

Bliže odredbe o finansijskom poslovanju, knjigovodstvenim i drugim evidencijama koje se vode u Fondu utvrđuju se općim aktima koje donosi Upravni odbor i Direktor Fonda.

VIII – JAVNOST RADA

Član 29.

Rad Fonda je javan.

Za davanje informacija sredstvima javnog informiranja o radu i poslovanju Fonda ovlašten je direktor Fonda ili osoba koju direktor ovlasti.

Javnost rada Fonda osigurava se:

- objavljivanjem Statuta Fonda u „Službenim novinama Federacije BiH“,
- dostavljanjem programa rada, izvještaja o radu i finansijskih izvještaja nadležnim institucijama u skladu sa zakonom,
- putem štampanih materijala,
- putem WEB stranice Fonda,
- obavještenjima putem sredstava informisanja i
- na drugi način u skladu sa općim aktima Fonda.

Član 30.

Fond će podnijeti Vladi Federacije i Parlamentu Federacije Bosne i Hercegovine izvještaj o radu i izvještaj o realizaciji finansijskog plana i programa za proteklu godinu najkasnije do konca marta tekuće godine.

Član 31.

Fond o svom radu izvještava javnost pravovremeno i istinito.

Fond je dužan javnosti, ovlaštenim organima i pravnim licima koja obavljaju javne djelatnosti, na njihov zahtjev, pružiti informacije o obavljanju svoje djelatnosti, posebno o načinu korištenja sredstava i postignutim rezultatima na unapređenju profesionalne rehabilitacije, i zapošljavanja osoba sa invaliditetom, te omogućiti uvid u odgovarajuću dokumentaciju.

Član 32.

Davanje informacija, odnosno uvid u dokumentaciju ograničava se ukoliko ti podaci predstavljaju službenu ili poslovnu tajnu.

Član 33.

Poslovnom tajnom u smislu odredbi ovog Statuta smatraju se dokumenti i podaci :

- koje nadležni organ proglasi poslovnom tajnom,
- koje nadležni organ kao povjerljive dostavi Fondu,

- koji sadrže ponudu za javno nadmetanje ili konkurs do objavljivanja rezultata,
- svi ostali dokumenti i podaci čije bi saopštavanje neovlaštenoj osobi, s obzirom na njihovu prirodu i značaj, bili štetni interesima Fonda.

Član 34.

Isprave i podatke koji se smatraju poslovnom tajnom drugim osobama mogu saopštiti samo direktor Fonda i zaposlenik koji za to ima posebno ovlaštenje direktora.

Član 35.

Poslovnu tajnu dužni su čuvati i svi zaposlenici Fonda koji su na bilo koji način saznali za ispravu ili podatak koji se smatra poslovnom tajnom.

Dužnost čuvanja poslovne tajne traje i nakon prestanka radnog odnosa u Fondu.

Član 36.

Ne smatra se povredom čuvanja poslovne tajne saopštenje podataka ili dostavljanje dokumenata koji se smatraju poslovnom tajnom, ako se isti saopštavaju osobama, organima ili organizacijama, na osnovu zakona ili drugih propisa.

Član 37.

Ne smatra se povredom čuvanja poslovne tajne saopštenje podataka koji se smatraju poslovnom tajnom na sjednicama Upravnog odbora, ako je takvo saopštenje neophodno radi vršenja poslova tog organa.

Osoba koja na sjednici Upravnog odbora saopštava te podatke, dužna je upozoriti prisutne da se ti podaci i dokumenti smatraju poslovnom tajnom i da su prisutni takve informacije čuvati kao poslovnu tajnu.

IX – OPĆI AKTI

Član 38.

Opći akti Fonda su :

- Pravilnik o unutrašnjoj organizaciji i sistematizaciji poslova,
- Pravilnik o radu,
- Pravilnik o plaćama i drugim primanjima,
- Pravilnik o finansijskom poslovanju,
- Pravilnik o inventarisanju,
- Pravilnik o stručnom osposobljavanju i usavršavanju zaposlenika,
- Pravilnik o slobodnom pristupu informacijama,

- Pravilnik o zaštiti na radu,
- Pravilnik o internoj kontroli i
- drugi akti u skladu sa Zakonom i drugim propisima.

Rok za donošenje općih akata Fonda je 60 (šezdeset) dana od dana stupanja na snagu ovog Statuta.

X – ZAVRŠNE ODREDBE

Član 39.

Na sva pitanja koja se odnose na rad i poslovanje Fonda, koja nisu drugačije uređena Zakonom, primjenjuju se propisi o javnim ustanovama, kao i drugi odgovarajući propisi, te ovaj Statut i akta Fonda.

Član 40.

Ovaj Statut se smatra donesenim danom notarske obrade, u skladu sa uslovima iz člana 73. Zakona o notarima („Službene novine Federacije BiH“, broj 45/02) i potpisivanjem od strane predsjedavajućeg Upravnog odbora Fonda.

Statut stupa na snagu danom notarske obrade od kada se i primjenjuje.

Buduće izmjene i dopune ovog Statuta vrše se na način i po postupku utvrđenom za njegovo donošenje, kada o tome odluči nadležni organ Fonda ili kada je to potrebno zbog zakonske obaveze, s tim da će se te izmjene ili dopune donijeti u formi notarski obrađene isprave.

Član 41.

Ovaj Statut će se objaviti u „Službenim novinama Federacije BiH“.

**PREDSJEDNICA
UPRAVNOG ODBORA**
Jasmina Hercegovac

Br. OPU-IP:104/2011 od 16.02.2011. godine